

- Hadde venta større trafikk

23.12.2008



Rigmor Rasmussen: - Hadde venta litt større juletrafikk. (Foto: Ola Matti Mathisen)

**- Vi har hatt auke i omsetnaden samanlikna med i fjor på denne tida, men eg hadde venta litt større trafikk.
Det seier uskedelingen Rigmor Rasmussen, butikksjef i klesbutikken Catch i Husnes Storsenter.**



Uskedelingen Rigmor Rasmussen har stått bak disken på Husnes i 15 år. (Foto: Ola Matti Mathisen)

uskedalen.no møter henne i butikken om føremiddagen dagen før den store DAGEN og det er med respekt å melde langt mellom kundene.

Rigmor har vore butikkssjef siden i oktober, men har 15 år bak seg bak disken på Husnes - først i Kurant i Torghuset og seinare i Catch.

Ho held fram:

- Sjølv sagt har det vore julehandel, men det har vore litt opp og ned. Kanskje er det ikkje så overaskande at besøket har svikta litt i det siste, ettersom vi har hatt fleire 'sal' før julehandelen starta, til dømes både 'flyttesal' og 'opningsal'

- Har det dukka opp 'nye kundar' sidan opninga i Husnes Storsenter?

- Ja, det er ei positiv erfaring at det har vore kundar frå 'nye' stader, til dømes Odda. Og det har kome fleire frå Halsnøy. Det er tydeleg at atskillige derifrå no kjem hit istaden for å reise til Stord.

Catch er ei kjede med 42 butikkar på landsbasis og Husnes-avdelinga ligg svært godt an på kjedestatistikken.

Av Ola Matti Mathisen